

Fundargerð 976. fundar

stjórnar Sambands íslenskra sveitarfélaga

Árið 2025, föstudaginn 4. apríl kl. 10:15 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Jón Björn Hákonarson, Einar Brandsson, Einar Þorsteinsson, Freyr Antonsson, Hildur Björnsdóttir, Margrét Ólöf A. Sanders, Nanný Arna Guðmundsdóttir, Rósa Guðbjartsdóttir, Ásgerður Kristín Gylfadóttir, Skúli Þór Helgason og Anna Sigríður Guðnadóttir.

Að auki sátu fundinn Arnar Þór Sævarsson framkvæmdastjóri, Inga Rún Ólafsdóttir formaður samninganefndar sveitarfélaga, Valgerður Rún Benediktsdóttir yfirlögfræðingur, Grétar Sveinn Theodórsson samskiptastjóri, Helga María Pálsdóttir sviðsstjóri, Þórdís Sveinsdóttir sviðsstjóri og Valur Rafn Halldórsson sviðsstjóri, sem ritaði fundargerð.

Walter Fannar Kristjánsson boðaði forföll, varamaður hans Ásgerður Kristín Gylfadóttir sat fundinn í hans stað. Hjálmar Sveinsson boðaði forföll, varamaður hans Skúli Helgason sat fundinn í hans stað.

Fundargerðin var færð í tölvu.

Þetta var tekið fyrir:

1. Fundargerðir 972., 973., 974. og 975. fundar - 2410016SA

Lögð fram til kynningar fundargerðir 972., 974. og 975. fundar stjórnar Sambandsins frá 11., 19. og 20. mars 2025, sem undirritaðar hafa verið með rafrænum hætti.

Lögð fram til samþykkis fundargerð 973. fundar stjórnar Sambandsins frá 14. mars 2025.

Stjórn Sambandsins samþykkti fundargerð 973. fundar og verður fundargerðin send í rafræna undirritun.

2. Staða kjaramála - 2406015SA

Formaður samninganefndar sveitarfélaga gerir grein fyrir stöðu kjaramála í apríl 2025.

3. Kjarasamningar - 2406015SA

Lögð fram samkomulög milli samninganefndar Sambands íslenskra sveitarfélaga, og Kjalar stéttarfélags í almannajónustu vegna tónlistarskóla og Landssambands slökkviliðs- og sjúkraflutningamanna, dags. 21. og 24. mars 2025, um breytingar og framlengingu á kjarasamningi aðila.

Stjórn Sambands íslenskra sveitarfélaga staðfestir samhljóða fyrirbyggjandi kjarasamning við Kjöl stéttarfélag í almannajónustu vegna tónlistarskóla og Landssamband slökkviliðs- og sjúkraflutningamanna.

4. **Minnisblað um frumvarp til laga um sýslumann - 2503041SA**
Lagt fram minnisblað yfirlögfræðings Sambandsins, dags. 31. mars 2025, um frumvarp til laga um sýslumann.
Yfirlögfræðingi falið að skila inn umsögn fyrir hönd Sambandsins í samræmi við umræður á fundinum.
 5. **Minnisblað um vinnu starfshóps um fyrirkomulag eftirlits með hollustuháttum og mengunarvörnum - 2404009SA**
Lagt fram minnisblað yfirlögfræðings Sambandsins, dags. 11. mars 2025, um vinnu starfshóps um fyrirkomulag eftirlits með hollustuháttum og mengunarvörnum.
Stjórn fór yfir málið og ákveðið að taka það aftur fyrir á stjórnarfundi í næstu viku.
 6. **Endurskoðun samkomulags um tónlistarfræðslu - 2412001SA**
Rætt um samkomulag um tónlistarfræðslu. Yfirlögfræðingur gerði grein fyrir málinu.
Stjórn felur yfirlögfræðingi að fylgja málinu eftir og ganga frá framlengingu á samkomulagi um tónlistarfræðslu til eins árs um samkomulag um tónlistarfræðslu. Jafnframt lagt til að heildarendurskoðun á samkomulaginu fari fram á þessum tíma.
- Skúli Helgason vék af fundi kl. 11:55.
7. **Ráðstefna um skólamáltíðir - ósk um samstarf - 2503014SA**
Lögð fram styrkbeiðni frá Aldin, sem eru samtök um loftslags- og samfélagsmál, sem standa fyrir hálfs dags ráðstefnu um skólamáltíðir í maí 2025.
Stjórn þakkar Aldin fyrir erindið og þann metnað sem félagið er að setja í málstofuna. Hins vegar telur stjórn sér ekki fært að styrkja ráðstefnuna enda venja að Sambandið komi að skipulagi slíkra málstofa frá fyrstu stigum.
 8. **Brunamálasjóður - slökkvilið - 2407015SA**
Tekið fyrir að nýju sem trúnaðarmál, áður á dagskrá stjórnar 14. mars 2025, en þá var málinu frestað til næsta fundar.
*Stjórn felur framkvæmdastjóra að fylgja málinu eftir við ráðherra í samvinnu við HMS. *
 9. **Skólakappsmál - 2502002SA**
Tekið fyrir að nýju, áður á dagskrá stjórnar 14. mars 2025, en þá var málinu frestað til næsta fundar.
Stjórn þakkar erindið en getur ekki orðið við beiðni um styrk til framleiðslu á Skólakappsmálum.
 10. **Samningur um sérkjör á þjónustu Syndis til aðildarféлага Sambandsins - 2501031SA**
Lagður fram til kynningar samningur, dags. 4. mars 2025, um sérkjör á þjónustu Syndis til aðildarsveitarféлага Sambands íslenskra sveitarféлага.

Stjórn fagnar framkomnum samningi og telur hann mikilvægt skref til að efla tækniöryggi sveitarfélaga. Stjórn hvetur sveitarfélög eindregið til að kynna sér efni samningsins og meta möguleika á að nýta sér þá þjónustu sem hann felur í sér.

Ásgerður K. Gylfadóttir vék af fundi kl. 12:15.

11. Defend Iceland ehf. - rammasamningur - 2411015SA

Lögð fram til kynningar drög að rammasamning um villuveiðigátt, dags. 5. mars 2025.

12. Minnisblað um fjárhagsáætlanir sveitarfélaga - 2409022SA

Lagt fram til kynningar minnisblað þróunarsviðs Sambandsins, dags. 2. apríl 2025, um fjárhagsáætlanir A-hluta sveitarfélaga fyrir árin 2025-2028. Í minnisblaðinu kemur fram að rekstur sveitarfélaga batnaði áfram á árinu 2024 og hefur ekki verið sambærilegur afgangur af rekstrinum síðan fyrir heimsfaraldur.

Stjórn Sambands íslenskra sveitarfélaga þakkar fyrir greinargott og upplýsandi minnisblað.

13. 80 ára afmæli Sambandsins 2025 - 2401027SA

Lagt fram minnisblað frá samskiptastjóra Sambandsins, dags. 3. apríl 2025, þar sem farið er yfir tillögur að viðburðum og verkefnum í tilefni af 80 ára afmæli Sambands íslenskra sveitarfélaga.

Stjórn samþykkir framlagðar tillögur og fagnar því að Sambandið hyggist halda upp á tímamótin með fjölbreyttri dagskrá sem varpi ljósi á mikilvægi Sambandsins og hlutverk sveitarfélaga í íslensku samfélagi í 80 ár. Samskiptastjóri mun leiða verkefnið í samvinnu við þjónustusvið Sambandsins og felur stjórn starfsfólki að halda áfram undirbúningi og þakkar stýrihópnum fyrir sína vinnu.

14. Tilnefningar á nýjum fulltrúum í nefndir - 2210016SA

Formaður lagði fram tillögur að nýjum fulltrúum í nefndir og ráð. Eftirfarandi tillögur samþykktar samhljóða:

Stefnumótandi nefnd CEMR: Nanný Arna Guðmundsdóttir, Margrét Ólöf A. Sanders, og Einar Þorsteinsson. Til vara: Freyr Antonsson, Anna Sigríður Guðnadóttir og Jón Björn Hákonarson.

Sveitarstjórnarvettvangur EES/EFTA: Rósa Guðbjartsdóttir og Jón Björn Hákonarson til vara.

Alþjóðasamtök sveitarfélaga og borga (UCLG): Jón Björn Hákonarson ekki er þörf á að tilnefna varafulltrúa.

Umhverfis- og innviðanefnd Sambandsins: Hjördís Ýr Johnson sem formaður í stað Guðmundar Ara Sigurjónssonar og Stefán Aspar Stefánsson í stað Rutar Jónsdóttur.

Kjaramálanefnd Sambandsins: Einar Þorsteinsson í stað Jóns Björn Hákonarsonar og að Margrét Ólöf A. Sanders taki við sem formaður nefndarinar.

Anna Sigríður vék af fundi kl. 12:47.

15. Umsögn Grindavíkurbæjar vegna skýrslu Deloitte ehf. - 2311012SA

Lögð fram til kynningar umsögn Grindavíkurbæjar, dags. 27. mars 2025, vegna skýrslu Deloitte ehf. um stöðu Grindavíkur og sviðsmyndir um hvernig Grindavík og samfélag Grindvíkinga verður árið 2035.

16. Tilnefning í samráðsvettvang vegna endurskoðunar á lögum um stjórn vatnamála - 2503028SA

Lagt fram til kynningar bréf Sambandsins til umhverfis-, orku- og loftslagsráðuneytisins, dags. 27. mars 2025, þar sem Sigríður Vilhjálmsdóttir, lögfræðingur á stjórnsýsluviði Sambandsins, er tilnefnd í samráðsvettvang vegna endurskoðunar á lögum um stjórn vatnamála nr. 36/2011.

17. Tilnefning í samstarsnefnd um málefni aldraðra - 2502024SA

Lagt fram til kynningar bréf Sambandsins til félags- og vinnumarkaðsráðuneytisins, dags. 27. febrúar 2025, þar sem Lilja Einarsdóttir, hjúkrunarfræðingur og sveitarstjórnarfulltrúi í Rangárpíngi eystra, er tilnefnd sem aðalmaður í samstarfsnefnd um málefni aldraðra, og Jón Kristján Rögnvaldsson, skrifstofustjóri hjá Velferðarsviði Kópavogsbæjar, til vara.

18. Tilnefning í innflytjendaráð - 2503029SA

Lagt fram til kynningar bréf Sambandsins til félags- og húsnæðismálaráðuneytisins, dags. 27. mars 2025, þar sem María Ingibjörg Kristjánsdóttir, félagsþjónustufulltrúi á stjórnsýslusviði Sambandsins, er tilnefnd sem aðalmaður í innflytjendaráð, og Ingimar Guðmundsson, verkefnisstjóri Íslensku æskulýðsrannsóknarinnar á stjórnsýslusviði Sambandsins, til vara.

19. Tilnefning í stýrihóp um eftirfylgni áætlunar um loftgæði á Íslandi - 2503012SA

Lagt fram til kynningar bréf Sambandsins til umhverfis-, orku- og loftslagsráðuneytisins, dags. 27. mars 2025, þar sem Finnur Ricart Andrason, sérfræðingur í umhverfismálum á stjórnsýslusviði Sambandsins, er tilnefndur sem aðalmaður í stýrihóp um eftirfylgni áætlunar um loftgæði á Íslandi, og Hugrún Geirsdóttir, sérfræðingur á stjórnsýslusviði Sambandsins, til vara.

20. Umsögn um frumvarp til laga um breytingu á lögum um ávana- og fíkniefni - breyting á neyslurými - 2503031SA

Lögð fram til kynningar umsögn Sambandsins til velferðarnefndar Alþingis, dags. 25. mars 2025, um frumvarp til laga um breytingu á lögum um ávana- og fíkniefni (breytingar á neyslurými), 142. mál.

21. Umsögn um frumvarp til laga um breytingu á lögum um skipulag haf- og strandsvæða og skipulagslögum - svæðisráð o.fl. - 2503033SA

Lögð fram til kynningar umsögn Sambandsins til umhverfis- og samgöngunefndar Alþingis, dags. 26. mars 2025, um frumvarp til laga um

breytingu á lögum um skipulag haf- og strandsvæða og skipulagslögum
(svæðisráð o.fl.), 147. mál.

Fundi var slitið kl. 12:50